

Nyeng nulis: Edward Hughes

Nyeng bikin gambar: Lazarus
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Betaun-taun nyeng lalu, tentara nyeng gede nyerbu Yudea, nangkepin dan nahan banyak jamaah Tuhan buat dibawa balik lagi ke Babel mao dijadiin tahanan. Jauh dari rumah, orang-orang yahudi itu idup di pinggir kali Kebar.



Satu ari Tuhan ngasih satu penglihatan kepada Yehezkiel. Kemuliaan Tuhan muncul sebagai satu cahaya nyeng terang banget, ditengah-tengahnya juga ada nyeng mirip kaya mahluk idup. Masing-masing punya empat muka ama empat sayap. Di atas mereka ada tahta safir nyeng bagus banget, dipenuhin ama cahaya besinar kaya pelangi.

Pas Yehezkiel ngeliat, dia langsung sedeku.



Tuhan ngomong sama Yehezkiel, "Aku ngirim kamu kepada orang Israel. Sampein omongan-omonganKu sama mereka, sebab mereka itu ngelawan Aku."

Sebelah tangan dikedepanin sambil megang satu gulungan kitab.

"Makan gulungan kitab ini,"

Tuhan berfirman, "dan pegihlah bilang kepada kaum Israel."


Bener-bener satu

perintah Allah nyeng kaga masuk akal. Tapi Yehezkiel nurut, makan gulungan kitab itu dan pegih.



Roh Tuhan ngangkat dan ngebawa Yehezkiel pegih
kepada orang-orang Yahudi nyeng dibuang nyeng
netep di pinggir kali
Kebur. Selama tujuh
ari dia duduk bengong
disekitaran mereka,
heran ama apa nyeng
diliatnya. Lantas Tuhan
jadiin Yehezkiel sebagai
seorang penjaga. Dia
ningetin orang-orang
jahat supaya
kaga ngelanggar
perintah Tuhan.





Yehezkiel ngerjain banyak hal-hal aneh biar firman Tuhan itu jadi nyata buat seluruh rakyat. Dia ngukir satu gambar Yerusalem di atas sepotong batu bata. Bisa jadi orang-orang ngeliat liwat pundaknya pas ia lagi ngegambarin gambaran satu pasukan tentara nyeng besar ngepung Yerusalem. Dia ngasih tau kalo kota suci Tuhan bakalan diancurin.



Israel, kerajaan nyeng disebelah belor, kaga patuh ama Tuhan selama 390 taun, dan Yehuda, kerajaan nyeng di sebelah kidul selama 40 taun. Itulah makanya Israel bakalan diancurin dan Yehuda juga bakalan jatoh.





Tuhan bilang pada Yehezkiel supaya rebahan disamping kiri selama 390 ari, dan di samping kanan selama 40 ari, buat ngingetin orang-orang akan taun-taun kedosaan mereka.





Bisa jadi kalo orang-orang mulain pada mikir kalo Yehezkiel itu orang nyeng rada aneh. Dia ngerjain apa aja nyeng Tuhan sampein kepadanya. Satu ari, dia nyukur rambutnya dan ngebakar ketiga bagiannya. Ini nunjukkin kalo sepertiga dari orang-orang nyeng netep di Yerusalem bakal mati karena sampar ama kelaparan sewaktu tentara Babel nyerang kota.



Yehezkiel ngambil sepertiga rambutnya dan dipotongnya pake pedang. Ini ngunjukin kalo sepertiga jamaah bakal mati oleh pedang-pedang lawan. Sepertiganya lagi, disebarin Yehezkiel ke angin. Tapi dia nyimpen sedikit rambutnya dalem ujung kaennya jadi satu tanda kalo Tuhan bakal ngejaga keselamatan beberapa dari jamaah



dan dibalikin lagi ke tanah Terjanji.







Nabi nyeng brani itu bilang kepada orang Yahudi buangan kalo semuanya bakal makin rusak, bukannya makin bener kaya apa nyeng mereka arepin. Orang-orang itu jadi pada marah sama Yehezkiel, tapi dia tetep aja bilang soal Firman Tuhan.




Satu ari, pas dia duduk sama sesepuh Israel, Tuhan ngasih penglihatan sama Yehezkiel. Di dalem penglihatan itu, Tuhan ngangkat dia pake rambutnya dan ngebawa dia ke tempat sembahyang di Yerusalem.



Di tempat sembahyang itu, Tuhan ngasih penglihatan sama Yehezkiel sesuatu nyeng nakutin, binatang-binatang nyeng kotor, ama patung-patung. Semua itu kudunya kaga ada di dalem Rumah Tuhan.




Nyeng disembah para pemimpin malahan bukan Tuhan. Tuhan juga ngunjukin sama Yehezkiel kalo KemuliaanNya udah pegih ninggalin Rumah Tuhan, dan Rumah Tuhan bakal diancurin. Pas waktu penglihatan ini udah kelar. Yehezkiel bilang kepada



orang
Yahudi
soal ini.







Semua nyeng disampein Tuhan bener-bener kejadian. Yerusalem diancurin. Orang-orang pada mati. Pas orang Yahudi buangan di Babel ngedenger soal ini, mereka ngarep sama Tuhan bakal ngangkat jamaahNya terus.




Tapi Tuhan ngasih pesen nyeng laen sama nabiNya. Dia mimpin Yehezkiel ke lembah nyeng penuh ama tulang kering-tulang orang.




"Anak manusia, bisa kaga tulang-tulang ini diidupin lagi?" tanya Tuhan sama Yehezkiel. "Iya, Tuhan Allah, Engkau tau!" saut Yehezkiel. Udah barang tentu tulang-tulang kering kaga bakal idup lagi.




Tuhan bilang, "Berwahyulah soal tulang-tulang kering ini dan bilang sama dia: Hei, tulang-tulang nyeng udah pada kering dengerin Sabda Tuhan! Kamu kudu idup." Pas dia nurut, Yehezkiel ngedenger ada suara panting kratak. Dalem pikirannya apa nyeng terjadi?




Pas sang nabi ngelompok dalem keheranan,
tulang-tulang itu nyatu lagi.




Abis itu daging pada nempel.



Abis itu kulit nutupin mereka, tapi mereka belon bisa nafas.



Tuhan bilang, "Berwahyulah, anak manusia dan bilang, 'Hei nafas idup, dateng dari empat mata angin. Tiuplah... biar mereka idup lagi.'" Pas waktu Yehezkiel ngelakuin itu, dan nafas idup itu masuk ke dalem mereka, sampe mereka idup lagi. Mereka napakin kakinya. Satu




tentara
nyeng
gede ada
di kaki
gunung.




Tuhan tau orang Yahudi di Babel kaga ada pengarepan pas Yerusalem jatoh. Dia ngirim satu pesen liwat penglihatan Yehezkiel, "Tulang-tulang ini semua kumpulan Israel." Tuhan bilang. "Aku bakal ngasih RohKu ke dalemmu, ama Aku bakal ngebiarin kamu

netep di tanahmu."



Bener-bener satu pesen pengarepan nyeng luar biasa dari Tuhan! Janji Tuhan liwat Yehezkiel jadi nyata pas orang-orang Yahudi seabisnya balik lagi ke tanah mereka. Mereka tau kalo Tuhan bakal ngebawa mereka balik ke



tanah mereka.
Kata Tuhan
selalu jadi
nyata.



Yehezkiel: Manusia nyeng punya Penglihatan

Sebuah cerita dari perkataannya Tuhan, Alkitab

Ditemuin di

Yehezkiel

"Palang pintu Firman Engkau ngasih terang."

Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

